

# DECRETUM



## MARIANOPOLITANA BEATIFICATIONIS ET CANONIZATIONIS SERVAE DEI

### MARGARITAE BOURGEOYS

#### FUNDATRICES CONGREGATIONIS NOSTRAE DOMINAE

Quum quintodecimo Kalendas Decembris superioris anni a Sacra Rituum Congregatione vigore facultatum sibi specialiter a sa. me. Pio Papa IX tributarum indultum jam benigne fuisset, ut de Dubio Signaturae Commissionis introductionis Causae Servae Dei Margaritae Bourgeoys praedictae agi valeret in ipsius Sacrae Rituum Congregationis Ordinario Coetu absque interventu et voto Consultorum, etiamsi ejusdem scripta neque perquisita, neque examinata adhuc essent, Eñus et Rñus Dominus Cardinalis Aloysius Oreglia a Sancto Stephano hujusce Causae Relator ad instantiam Rev. Domini Arthuri Julii Captier Procuratoris Generalis Congregationis Sancti Sulpitii Causae ipsius Postulatoris constituti, attentis postulatoriis litteris quamplurium Rñorum Antistitum aliorumque Virorum tam ecclesiastica, quam civili dignitate praestantissimorum, in Ordinariis Sacrorum Rituum Comitibus hodierna die ad Vaticanum coadunatis sequens Dubium discutiendum proposuit, nimirum: „ *An sit si-* „ *gnanda Commissio Introductionis Causae in casu et ad effectum de quo* „ *agitur?* „ Et Sacra eadem Congregatio, omnibus maturo examine perpensis, auditoque voce et scripto R. P. D. Laurentio Salvati Sanctae Fidei Promotore, rescribendum censuit: „ *Affirmative, seu signandam esse Commis-* „ *sionem, si Sanctissimo placuerit.* „ Die 7 Decembris 1878.

Facta postmodum de praemissis per subscriptum Secretarium Sanctissimo Domino Nostro Leoni Papae XIII fideli relatione, Sanctitas Sua sententiam Sacrae Congregationis ratam habuit, et confirmavit; propriaque manu signavit Commissionem Introductionis Causae Ven. Servae Dei Margaritae Bourgeoys praefatae, die 19 iisdem mense et anno.

*D. CARD. BARTOLINIUS S. R. C. Praefect.*

*Plac. Ralli S. R. C. Secretarius*